



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-11-3-3415-13/23

Datum: 20.11.2023.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) i Zapisnika o pregledu i ocjeni ponuda od 15.11.2023.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU
o izboru najpovoljnijeg ponuđača

I

Najpovoljnija ponuda u predmetu nabavke radova „Nastavak izgradnje kanalizacije Šije 2023.godina, općina Tešanj“ po cijeni bez PDV-a od 43.500,00 KM (slovima: četrdesettrihjadepetstotina i 00/100 konvertibilnih maraka) odnosno sa PDV-om u iznosu od 50.895,00KM (slovima: pedesethiljadaosamstotina dedesetpet i 00/100 konvertibilnih maraka) je ponuda ponuđača Konzorcij TANS-PUTEVI doo Doboju Jug i ŠPIC BETON doo Zenica.

II

Ponuda je dostavljena u otvorenom postupku, koji je objavljen na Portalu javnih nabavki dana 05.10.2023.godine pod brojem: 375-1-3-224-3-132/23, obavještenje o nabavci objavljeno u sl.glasniku BiH broj: 71/23 dana 13.10.2023.godina pod brojem:Sl-38309-23 a kriterij za dodjelu ugovora je najniža cijena.

III

Obavezuje se izabrani ponuđač (ukoliko uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda ponuđača MEISTER doo Sarajevo nije sadržajno ispravna, nije kako je to propisano tenderskom dokumentacijom, ista je ocijenjena kao formalno neispravna, te je ponuda u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) odbačena.

V

Za realizaciju Odluke zadužuju se Služba za društvene djelatnosti i investicije općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

Obrazloženje

Postupak javne nabavke radova „Nastavak izgradnje kanalizacije Šije 2023.godina, općina Tešanj“ pokrenut je Odlukom o pokretanju postupka broj:02-11-3-3415-2/23 od 03.10.2023.godine. Odabran je otvoreni postupak, koji je objavljen na Portalu javnih nabavki dana 05.10.2023.godine pod brojem: 375-1-3-224-3-132/23, obavještenje o nabavci objavljeno u sl.glasniku BiH broj: 71/23 dana

13.10.2023.godina pod brojem:SI-38309-23, procijenjena vrijednost javne nabavke je 59.829,00KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 4 (četiri) ponude i to: ponuda Konzorcij TANS-PUTEVI doo Doboj Jug i ŠPIC BETON doo Zenica, ponuda GEO PUT doo Maglaj, ponuda DOBOJPUTEVI DD Doboj Jug i ponuda MEISTER doo Sarajevo.

Komisija za javne nabavke imenovana rješenjem Općinskog Načelnika broj: 02-11-3-3415-5/23 od 01.11.2023. godine izvršila je dana 06.11.2023.godina javno otvaranje ponuda o čemu je sačinila Zapisnik sa otvaranja ponuda i isti uz Zapisnik o zaprimanju ponuda prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 3 (tri) ponude formalno ispravne i da se kao takva mogu ocjenjivati u skladu sa zahtjevom za dostavu ponuda.

Tačkom 5.1. Tenderske dokumentacije predviđeno je da će se u ovom postupku dodjele ugovora primjenit E-aukcija za ponuđače koji su podnijeli prihvatljive ponude, te je ugovorni organ zakazao E-aukcija za dan 13.11.2023.godine od 09:00 sati sa vremenskim trajanjem od 10 (deset) minuta. Iz Izvještaja o toku i završetku E-aukcije od 13.11.2023.godine u Zapisniku sa ocjene ponuda vidljivo je rangiranje ponuđača na Konačnoj rang listi ponuđača koji su učestvovali u E-aukciji, odnosno ugovorni organ je preuzeo listu kako slijedi:

1. Konzorcij TANS-PUTEVI doo Doboj Jug i ŠPIC BETON doo Zenica
2. DOBOJPUTEVI DD Doboj Jug
3. GEO PUT doo Maglaj

Komisija je kod ocjene ponuda takođe utvredila da ponuda ponuđača MEISTER doo Sarajevo nije sadržajno ispravna, naime ponuđač je dostavio ponudu čije stranice nisu numerisane (numerisan je samo dokument Aktuelni izvod iz sudskog registra od 28.09.2023.godine, numeracija ide 1/7, 2/7, 5/7, 6/7, 3/7, 4/7 i 7/7) a ostale stranice ponude nisu uopšte numerisane. Tačkom 15. tenderske dokumentacije propisano je „Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Garancija kao dio ponude se ne numerira. Ako sadrži štampanu literaturu, brošure, kataloge koji imaju originalno numerisane brojeve, onda se ti dijelovi ponude ne numeriraju dodatno“. Takođe Uputstvo za pripremu modela tenderske dokumentacije i ponuda (sl.glasnik BiH broj:90/14 i 20/15) propisuje u članu 8. stav 6. i 7. „Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Garancija kao dio ponude se ne numerišu. Ako sadrži štampanu literaturu, brošure, kataloge koji imaju izvorno numerisane brojeve, onda se ti dijelovi ponude ne numerišu dodatno; Izuzetno od stava (6) ovog člana, ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i TD“. Kako ponuđač MEISTER doo Sarajevo nije uopšte stranice svoje ponude numerisao to je isti propust razlog za odbacivanje ponude.

Ponuda ponuđača MEISTER doo Sarajevo takođe ne sadrži dokument kojim se dokazuju „ godine radnog staža“, uslov propisan u tački 13.3.2 tenderske dokumentacije koja kaže da u svrhu dokazivanja ispunjavanja zahtjeva u pogledu tehničke i profesionalne sposobnosti ponuđač je dužan uz ponudi dostaviti „Izjavu potpisanu i ovjerenu od strane ponuđača o angažovanom tehničkom osoblju ili tehničkim organima, naročito onom osoblju koje je angažirano za poslove nadzora i kontrole kvaliteta, a za koje se ne zahtjeva da su nužno zaposleni odnosno da su u radnom odnosu kod kandidata/ponuđača uz obaveznu dostavu dokaza (original ili ovjerena kopija) o stručnoj spremi, godinama radnog staža i položenom stručnom ispitu (tačka 13.3.1. pod a 1.“. Naime ponuđač je u svom dokumentu Izjava o ispunjenosti uslova iz člana 51. Zakona o javnim nabavkama naveo da će za voditelja radova imenovati svog zaposlenika koji je u radnom odnosu kod ponuđača kako kaže tri

godine, a za kojeg je uz ponudu dostavljena ovjerena kopija Diplome broj:98-GR/2015 od 07.11.2015.godine te ovjerena kopija Uvjerenja o položenom stručnom ispitu broj:15.06-153-129/17-G-2977/2017 od 24.03.2017.godine ali uz ponudu nije dostavljen dokaz (original ili ovjerena kopija) o godinama radnog staža što je bila obaveza ponuđača da isto dostavi uz ponudu. Iz gore navedenih razloga ponuda ponuđača MEISTER doo Sarajevo je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14 i) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-11-3-3415-12/23 od 15.11.2023.godine), da se u predmetu javne nabavke radova „Nastavak izgradnje kanalizacije Šije 2023.godina, općina Tešanj“, donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za radove prihvati ponuda ponuđača Konzorcij TANS-PUTEVI doo Doboj Jug i ŠPIC BETON doo Zenica, odnosno kako je to navedeno u tački I ove Odluke, te da se sa istim zaključi ugovor u skladu sa ponudom navedenog ponuđača za radove predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) kao najpovoljniji izabran je ponuđač Konzorcij TANS-PUTEVI doo Doboj Jug i ŠPIC BETON doo Zenica sa cijenom bez PDV-a 43.500,00 KM (slovima: četrdesettrihiljadepetstotina i 00/100 konvertibilnih maraka) odnosno sa PDV-om u iznosu od 50.895,00KM (slovima: pedesethiljadaosamstotinadevedesetpet i 00/100 konvertibilnih maraka) kako je to navedeno u tački I ove Odluke.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14 i 59/22).

DOSTAVLJENO:

1. Ponuđači x 4,
2. Služba za društvene djelatnosti i investicije općine Tešanj,
3. Web stranica općine Tešanj, elektronski,
4. Predmet.

Službeni



OPĆINSKI NAČELNIK

Suad Huskić
mr.sci.Suad Huskić

